

Broj:01-05-3/18

Datum: 05.01.2018.godine

I N F O R M A C I J A
o postavljenim vijećničkim pitanjima
i odgovorima na vijećnička pitanja u 2017.godini

Vijećnička pitanja podrazumijevaju korespondirajuća prava i obaveze aktera parlamentarnog života. S jedne strane, pravo je članova Općinskog vijeća da usmenim ili pismenim putem postavljaju pitanja i traže odgovore na njih o radu izvršne vlasti i uprave. S druge strane, obaveza je nosilaca izvršne vlasti i drugih relevantnih institucija da na istom zasjedanju odnosno sjednici Općinskog vijeća ili narednom zasjedanju daju usmene ili dostave pismene odgovore. O odgovorima na postavljena pitanja ne može se voditi rasprava ili polemika. Može se tražiti samo dopuna odgovora ili preciznije navođenje podataka, konstatacija i sl.

Oblast vijećničkih pitanja u Općinskom vijeću Gornji Vakuf-Uskoplje uređena je odredbama (Čl. 155. – 161.) Poslovnika o radu Općinskog vijeća Gornji vakuf-Uskoplje («Službeni glasnik općine Gornji Vakuf-Uskoplje», broj 7/13) a ona se odnosi na slijedeće:

- Vijećnici imaju pravo postavljati vijećnička pitanja Općinskom načelniku i bilo kojoj općinskoj službi i institucijama koje vrše javna ovlaštenja iz općinske nadležnosti;
- Vijećnička pitanja se odnose na informacije, činjenice, situacije ili saznanja o radu iz djelokruga Općinskog načelnika i općinske uprave te ostalih nosilaca javno-pravnih ovlaštenja iz općinske nadležnosti;
- Na sjednici Vijeća se može (u pravilu) na početku sjednice izdvojiti najduže do 60 minuta za vijećnička pitanja (vrijeme pitanja), kojem obavezno prisustvuje Općinski načelnik i rukovodioci općinskih službi;
- Jedan vijećnik može na jednoj sjednici postaviti najviše četiri vijećnička pitanja;
- Odgovori na vijećnička pitanja mogu se davati usmeno ili u pisanoj formi;
- Vijećničko pitanje se postavlja usmeno ili podnosi predsjedavajućem u pisanoj formi, a on ga prosljeđuje Općinskom načelniku ili subjektu kojem je upućeno;
- Vijećnik koji postavlja pitanje u pisanoj formi u podnesku treba navesti da li traži usmeni odgovor na sjednici Vijeća ili odgovor u pisanoj formi;
- Kada vijećnik traži usmeni odgovor, podnesak treba biti kratak i jasan i sa jednim pitanjem, odnosno precizno usmeno izneseno pitanje;
- Obrazloženje pitanja daje se tako što vijećnik postavlja pitanja u vremenu od tri minute, nakon čega se daje usmeni odgovor od strane Općinskog načelnika ili drugog ovlaštenog lica;
- Ukoliko vijećnik nije zadovoljan odgovorom, može postaviti novo pitanje u vremenu od dvije minute, nakon čega se daje novi odgovor;
- Nakon drugog odgovora predsjedavajući zaključuje razmatranje tog pitanja;
- Iz opravdanih razloga Općinski načelnik ili drugo ovlašteno lice mogu zatražiti da se davanje odgovora po određenom pitanju odgodi za narednu sjednicu Vijeća;
- Pitanja na koja se traži odgovor u pisanoj formi u pravilu su ona pitanja koja nisu pogodna za jednostavno usmeno objašnjenje (ali ona, kao ni odgovor na njih, ne bi trebala prekoračiti jedan standardni list papira A-4 formata);

- Odgovor, u pisanoj formi u pravilu, dostavlja se predsjedavajućem u roku od 15 dana, a taj rok ne može biti duži od 30 dana;
- Predsjedavajući dostavlja odgovor vijećniku na prvoj narednoj sjednici Vijeća.

Vijećnička pitanja postavljena u 2017.godini

✓ 2.sjednica

Karamustafić Naser - SDP

1. Koliko je došlo donacija građevinskog materijala od humanitarnih organizacija, kantonalne te federalne vlasti, ko su osobe koje su dobili donaciju (imena i prezimena) i ko su osobe, službe i komisije koje su raspoređivale te donacije ?
2. Koliko je RVI Gornji Vakuf u 2016.godini prikupio placarine sa placeva buvlje pijace?
3. Ko je kriv za propuste u izgradnji sportske dvorane (misli se na tribine i betonsku plohu) izvođač radova ili nadzorni organ, te ko će snositi troškove , materijalnu i drugu odgovornost?

Dedić Šeherzada – DF

1. Koja firma je radila betonske radove na sportskoj sali i ko je bio nadzorni organ ?
2. Da li je podnesena prijava protiv odgovornih za napravljenu štetu i da li ćete odgovorne tužiti za nadoknadu napravljene štete ?
3. Do koje faze se stiglo u realizaciji ideje o gradskom groblju ?
4. Ima li planova za uređenje partizanskog groblja i spomenika iz NOR-a 1941-1945 god ?

Puljarga Sabahudin – SBB

1. Postoji li osoba u općinskim službama kome je u opisu posla da prati stanje javne rasvjete, ako postoji tko je to?
2. Ko vrši nadzor poštivanja potpisanih ugovora i prepisa o zimskom održavanju cesta i ulica?

✓ 3.sjednica

Karamustafić - SDP

4. Ko prima kiriju od poslovnog prostora „KAŠMIRA“ misli se na bivši poslovni prostor gradske apoteke i kolika je kirija ?
5. Dokle se došlo sa radovima u industrijskoj zoni, koliko se novaca utrošilo i u koje svrhe i koliko smo investitora privukli u industrijskoj zoni?
6. Kada će biti krajnji rok za osvjetljenje naselja Hrasnica ?

Kadir Kičin – SDP

1. Konkretna osoba / korisnika Federalnih i Kantonalnih poticaja za poljoprivredu (ime i prezime)?
2. Tko je dao suglasnost za ponovno pokretanje postupka / rada na mini-hidrocentrali u MZ Voljevac i da li može bez suglasnosti savjeta MZ-e ?

Marin Novaković – HDZ BiH

1. Šta poduzima Općinski načelnik i općinske službe o uklanjanju pasa lualica ?

Ivo Posavac - HDZ BiH

1. Da li je izvršen tehnički prijem kanalizacije na Paloču i zašto nije vraćeno u prvobitno stanje?

2. Da li postoji mogućnost da se izvrši asfaltiranje pristupnog puta za dječji vrtić „ ZVONČIĆ“ ili najminimalnije da se izvrši nasipanje navedenoga tamponom ?

Muris Pidro - SDA

1. Pitanje za ŠPD, Šumsko privredno društvo

Ko izdaje odobrenje za sječu šume na prostoru općine Gornji Vakuf-Uskoplje , da li se plaća koncesija i koliko se plaća na godišnjem nivou ?

Dijamin Hadžiahmetović – SDA

1. Nedavno se u M.Z. Bistrica desio incident u kojem je jedan mještanin zabranio asfaltiranje puta zaseoka „ Smajići“. Dotični gospodin je otjerao radnike „ Rudnika gipsa“ tvrdeći da je taj lokalni put njegovo vlasništvo.

Dali su općinske strukture upoznate sa ovim incidentom , ako jesu dali su poduzeli potrebne radnje koje bi dovele do sankcioniranja ovakvih i sličnih slučajeva ?

2. Tražim informaciju od direktora „ VIK –a“ u vezi sa radovima koje su obavili na vodovodu Bistrica.

Molio bi uputu šta je potrebno dalje raditi da bi se vodovod pustio u funkciju ?

Alena Spahić- Demirović- SDA

1. Kakvo je stanje sa lokalnom deponijom , koliki je kapacitet za odlaganje smeća ?

Ramiz Manjgo – SDA

1. Problem rješavanja samohranih majki. Koja je uloga Centra za socijalni rad da se iznađe rješenje zbrinjavanju navedene populacije ?

2. U kojoj je fazi rješavanje problema mini hidrocentrale Voljevac- Mačkara ?

Šeherzada Dedić– DF

1. Nisam zadovoljna odgovorima na postavljena pitanja a pogotovo izostankom reakcije investitora općine Gornji Vakuf-Uskoplje na štetu koja je napravljena. Navodim samo jedan aspekt štete,a to je da će građani naše općine puno kasnije imati sportsku dvoranu. Šteta koja je nastala nije procijenjena, izostanak plaćanja ugovorene vrijednosti za radove u iznosu od 36.073,50 KM , je proizvoljno urađeno, bez urađene kvalitetne i kompetentne procjene štete. U odgovoru nije navedeno ko je donio odluku o izostanku plaćanja ugovorene obaveze, te ko je donio odluku da se ne podnese prijava i ne tuže odgovorni. Postavlja se pitanje šta će biti sa iznosom 36.073,50 KM ?

2. Kada očekujemo realizaciju izgradnje gradskog groblja ? Realizacija ideje o gradskom groblju i Odluke Općinskog vijeća Gornji Vakuf-Uskoplje ide vrlo sporo. Molim odgovor kada ćemo imati gradsko groblje ?

3. Zabrinjavajuće je da općina Gornji Vakuf-Uskoplje ne posjeduje nikakve planove za uređenje Partizanskog groblja i obnove spomenika iz NOR-a 1941-1945. Može se zaključiti da je politika općine da ne podržava tekovine bliske nam istorije i antifašizma. Narodi koji ne poštuju svoju prošlost, historiju, tekovine borbe protiv fašizma nema svijetlu budućnost. ZAŠTO ?

4. Molim odgovor na pitanje načina zapošljavanja u novi vrtić. Koji kriteriji su primjenjeni prilikom zapošljavanja ? Zašto nisu zaposlene odgajateljice koje to u našem gradu rade dugi niz godina i koje bi sa sobom dovele djecu koju odgajaju. Njihovim zapošljavanjem vrtić bi imao optimalan broj djece sa kompletne teritorije općine. Zar ćemo nastaviti sa podjelama ? Bojim se da će nam i vrtići biti „ DVA VRTIĆA POD JEDNIM KROVOM“.

✓ 4.sjednica

Šeherzada Dedić - DF

1. Insistiram da nam se dostave svi članovi upravnih , nadzornih vijeća i povjerenstava u općini Gornji Vakuf-Uskoplje.
2. Informacija o korisnicima prava stalne novčane pomoći, spisak jednokratnih pomoći u 2016 godini broj korisnika 183. osobe, spisak prava po ovom osnovu kroz 2016.godinu ostvarilo 430. korisnika sa novčanim primanjima od 271,25 KM
J.U. Centar za socijalni rad Gornji Vakuf-Uskoplje.

Sabahudin Puljarga - SBB

1. Stočna pijaca- kakav je status ove površine , da li se išta planira sa njom uraditi ?
Da li će neko očistiti ovu površinu jer na njoj niče nova deponija smeća i potencijalni izvor zaraze ?
2. Da li ravnatelj jedne javne ustanove čiji je osnivač općina može biti predsjednik upravnog vijeća druge javne ustanove čiji je osnivač takođe općina ?
3. Na decembarskoj sjednici O.V. sam pobrojao svjetiljke ulične rasvjete koje ne rade. Zašto do danas te svjetiljke nisu osposobljene ?
 - Ulica Gradska kod mesnice Muminović i brijačnice „ Vele“
 - Ulica Srebreničkih žrtava kod ulaza u Elektrodistribuciju EP BiH
 - Ulica Mehmedbega Stočanina kod kafea ABC
 - Ulica Omladinska na samom ulazu u O.Š. 2 sijalice i pored kotlovnice i na izlaznoj kapiji po jedna sijalica.

Marinko Krajina – HDZ BiH

1. Kad se planiraju započeti radovi na mostovima na lokalnom putu Vilić Polje – Podgrađe ?

Ivo Posavac - HDZ BiH

1. Da li se planira čišćenje gradskih ulica od abrazivnog materijala i kada , kao i krpanje udarnih rupa u samoj jezgri grada koje su već dugo otvorene ? Zakon o cestama nam kaže da navedeni radovi bi trebali biti gotovi do 15.06. Koliko je to moguće ?

Muris Pidro - SDA

1. Šumarija Gornji Vakuf-Uskoplje;
Zašto se dozvoljava pretovar usječenih stabala koje prevoze teretna vozila sa prikolicom i kolika je najveća kubikaža drveta koje se smije natovariti na kamion ?

Naser Karamustafić – SDP

1. Šta se misli i šta se planira uraditi sa gradskim parkom , da li će doći do pomjeranja granica parka i da li će doći do uništavanja drveća i biljnog svijeta ?
2. Što je Policijska stanica Gornji Vakuf-Uskoplje poduzela i što će poduzeti o zaštiti i sigurnosnoj situaciji građana i materijalnih sredstava u Gornjem Vakufu-Uskoplju ?
3. Zašto Općinsko vijeće ne donese odluku o davanju prostorija (Komitet , Policijska stanica bivša) za razna udruženja ? (Polet)

Kadir Kičin – SDP BiH

1. Prema informacijama Fena-e, Ministarstvo poljoprivrede , vodoprivrede i šumarstva SBK/KSB planira izgradnju dvije nove mini Hidroelektrane na području općine Gornji Vakuf-Uskoplje. Interesuje me , koja je lokacija budućih mini Hidroelektrana ?Tko su investitori ? Kada počinju radovi na istim ?
2. Molim vas da mi dostavite Bankovne izvještaje svih javnih ustanova Općine Gornji Vakuf-Uskoplje !

U službenom glasniku općine Gornji Vakuf-Uskoplje izdat 27.02.2017.godine , u Odluci o restrukturiranju novčanih sredstava , stoji prijenos sa ek. koda 821 211 nabavka zgrada,

iznos od 15.000,00 KM na ek. kod 821 621- investiciono održavanje zemljišta – industrijska zona.

Dok gospodin Načelnik u zapisniku kaže da na ek. kod 821 621 mogu samo pristići sredstva iz Kantonalnog Ministarstva privrede i Federalnog Ministarstvo obrta i poduzetništva.

Kako je to moguće i zašto je došlo do ovog prijenosa ?

Berislav Elez - HSP BiH

1. Ovo pitanje postavljam u ime većeg broja građana a ono se odnosi na rad administracije Općine i Matičnog ureda. Građani su suočeni s jako velikim brojem problema prilikom vađenja dokumentacije i drugih potvrda i uvjerenja. Naime radi se o tome da se često traže neke ispravke koje zbog vremenske distance nisu uopće bitne a isto tako se određeni pravilnici tumače na čudne načine što izaziva dodatnu dokumentaciju i stvara određene probleme , također imamo primjera da su tražena neka uvjerenja koja osnovni zakon isključuje te ona nisu potrebna.

Nekoliko primjera;

- Kako je moguće da ne vrijedi Punomoć ovjerena u sudu u Njemačkoj (radi se o punomoći za izdavanje rodnog lista) a ujedno postavljam pitanje zašto je potrebna uopće punomoć za tako obične dokumente koji se ne mogu zloupotrijebiti ?
- Iz kojeg razloga se traži da vršimo ispravke za osobe koje su umrle prije 70 i više godina ako to nema nikakvog utjecaja na stranku u postupku ?
- Zašto se traži Smrtni list ne stariji od 6 mjeseci za osobu umrlu u inozemstvu prilikom upisa u knjigu umrlih, (šta se to može promijeniti na smrtnom listu) ?
- Zašto se traži Uvjerenje za zdravstveno osiguranje za dijete koje pohađa školu u drugom Kantonu ako djeca do 18. godina imaju pravo na zdravstveno bez obzira dali pohađa nastavu ?
- Iz kojih razloga se traži Rješenje razvoda iz prvog braka ako osoba ima vjenčani list s drugom suprugom, (valjda se nije mogao vjenčati ako nije bio slobodan) ?
- Iz kojeg razloga se traže dokumenti za oba roditelja prilikom upisa djeteta ako je jedan roditelj stranac a dijete ima pravo na državljanstvo po osnovi jednog roditelja?

✓ 5.sjdnica

Dedić Šeherzada - DF

1. Molim odgovore na nekoliko pitanja u vezi sa sportskom dvoranom.
2. Kada će biti u funkciji i pristupačna korisnicima ?
3. Zašto je dvorana otvorena da bi se zatvorila ?
4. Zašto dvorana nije spremna za korištenje i zašto ima niz nedostataka ?
5. Kakav je plan gazdovanja po pitanju korištenja i održivosti objekta ?

Naser Karamustafić – SDP

1. Ko je stručna osoba i koliko je kompetentna da odluči u ime građana Gornjeg Vakufa – Uskoplja i njihove djece o sječi stogodišnjih stabala u parku ?
2. Po kojem statutu, ko je osnivač, upravno vijeće, kome se podnosi izvještaj i koliko je sredstava potrošeno u Regionalnom centru za upravljanje otpadom ?

Kadir Kičin - SDP BiH

1. Da li je upućen prijedlog Vladi KSB za asfaltiranje magistralnog puta Bistrička Rika, tj. na relaciji Gornji Vakuf-Uskoplje – Novi Travnik ?
2. Zašto se nisu izgradili sportsko-rekreativni tereni (stadioni) u MZ-a Grnici i Dražev Docu?
3. U kojem vremenskom periodu su planirani radovi na istim ; te kada će doći do realizacije projekta izgradnje i asfaltiranja trotoara na relaciji Dražev Dolac - Pajić Polje ?
4. Zašto su obustavljeni radovi na asfaltiranju u naselju Kućice , kada su planirani finalni radovi u gore navedenom naselju ?

5. Da li će Općina ištati poduzeti sa divljim deponijama na lokalitetima Boljkovac i Voljevac (prema mjestu Zastinje) ?

Hrvatska lista

1. Kad će se početi rješavati problemi pasa lotalica na području općine Gornji Vakuf-Uskoplje , s naglaskom na MZ Krupa – Batuša ?
2. Šta se radi na magistralnom putu R 439 na izlazu iz Gornjeg Vakufa – Uskoplja , preko puta groblja . Naime svakodnevno se stvaraju gužve na tom lokalitetu , stvara se blato na pješačkoj stazi. Uklapaju li se navedeni radovi u regulacioni plan ?
3. Šta se gradi iza Doma zdravlja i da li je to u skladu s važećom prostorno-planskom dokumentacijom odnosno regulacionim planom na tom području ?
4. Zašto se do sada ništa nije poduzelo na uklanjanju grafita na objektima Doma zdravlja , te što misli ravnatelj Doma zdravlja poduzeti po ovom pitanju ?

✓ 6.sjdnica

Kičin Kadir - SDP

1. Ministarstvo poljoprivrede , vodoprivrede i šumarstva SBK/KSB planira izgradnju dvije nove mini hidroelektrane na području općine Gornji Vakuf-Uskoplje. Ponovno moje pitanje glasi: Koja je lokacija budućih MHE-na ? Tko su investitori ? Kada počinju radovi na istim ?
2. Šta će lokalna vlast učiniti po pitanju poljoprivrednih proizvođača maline ? Naime, u Federalnom parlamentu BiH je donesena odluka da se u slučaju smanji otkupna cijena jagodičastog voća , Općine i Kantoni su dužni sufinancirati ili pronaći alternativno rješenje ?
3. Do koje faze je došlo asfaltiranje puta u Bojskoj i kada je planirano izvođenje finalnih radova ?
4. Zašto se Općinski načelnik nije izjasnio i potpomogao demobilizirane borce koji protestiraju u Sarajevu ?

✓ 7.sjdnica

Klub HDZ BiH-Hrvatska lista

1. Kada će općinske službe riješiti problem ispuštanja kanalizacije s Košuta u kanal ispod mosta na križanju ulica Paločki put i Stjepana Radića ?
2. Zašto se ne postave saobraćajni znakovi unutar sela Krupa i kada ih općinska služba planira postaviti ?
3. Planira li nadležna općinska služba iscrtavanje pješačkih prelaza koji se nalaze u neposrednoj blizini škola, budući da ja početkom ovog tjedna krenula školska godina ?
4. 04.09.2017.godine ponovo se dogodio pomor ribe u Kruščici zbog kemikalija koje ispušta firma Saraj-komerc. Na licu mjesta bila je policija te je urađen zapisnik, a ribari najavljuju tužbu protiv odgovornih . Tražimo od nadležne općinske službe da se očituje o ovom problemu , te da učini sve da se ubuduće spriječe ovakvi događaji.

Naser Karamustafić – SDP

1. Pitanje za Općinskog načelnika, tražim da mi se odgovori usmeno. Po čijoj dozvoli i po čijem ovlaštenju ju srušen Park u Gornjem Vakufu. Jeste li imali pravo da donesete takvu odluku. Niste. Jeste li imali suglasnost mjesne zajednice, da li ste imali suglasnost Općinskog vijeća, jeste li imali građevinsku dozvolu, jeste li imali promjenu urbanističkog plana, ako se vrše ovakvi zahvati, ako se vrši ovakva sječa, ja mislim da je, po zakonu, bila obaveza, bar prije pola godine, provesti javnu raspravu, tko vam je dozvolio da ovo radite i po čijem ovlaštenju?

Ramiz Manjgo -SDA

1. Na osnovu čega je određeno da se poticaj za maline daje za ubranih 1 000 kg i više ? Šta je sa proizvođačima / plantažerima koji nisu dosegli ovu količinu jeli se na njih mislilo ?

Dževad Idrizović -SDA

1. Molim nadležne za odgovor na pitanje da li postoji zakonsko uputstvo ili odredba u školama sa hrvatskim planom i programom ne može raditi Bošnjak ili je to diskriminacija na lokalnom nivou od strane direktora i članova upravnih odbora ?

Muris Pidro-SDA

1. Zašto općinske nadležne službe dozvoljavaju da se postavljaju na trotoar koji je javna površina, (saksije terase) i druge fizičke barijere koje otežavaju kretanje pješaka ?

Sabahudin Puljarga-SBB

1. Zašto se općinske administrativne takse naplaćuju prosvjetnim radnicima koji imaju nepuno radni vrijeme (dio norme) a koji ovjeravaju dokumente kako bi aplicirali na konkurse u više škola ? Po kojoj odluci ili pravilniku se to radi ili je to nečija slobodna procjena ?
2. Da li na nivou općine postoji spisak deficitarnih zanimanja i ako ima da li je to objavljeno u službenom glasniku općine ? Ako to do sada nije rađeno predlažem da se u suradnji sa Zavodom za zapošljavanje i poslodavcima utvrdi da li postoje deficitarna zanimanja i da to Općinsko vijeće potvrdi.
3. Za „VIK“ - Zašto je vršena redukcija vode dan uoči Kurban Bajrama i na sam Bajram ? Zar se to nije moglo izbjeći ?

✓ **8.sjednica**

Muris Pidro - SDA

1. Da li općinske nadležne službe imaju u planu urediti prostor iza novih zgrada (Odvode) Lamela 5. , Lamela 6. , Lamela 7. i Lamela 8., gdje je planirano dječje igralište ?

Kadir Kičin – SDP BiH

1. Šta će Općina uraditi povodom masovnog odlaska mladih iz Bosne i Hercegovine , time i Općine Gornji Vakuf-Uskoplje ?
2. Na lokaciji Mašete između MZ Bojske i MZ Grnice , oborinske vode odnijele su put te je došlo do odrona tla što je prouzrokovalo vidno izražene kablove BH Telekoma na površini tla , a to ugrožava prolazak lokalnih mještana ! Molimo Vas , da u što kraćem vremenskom periodu sanirate ovaj problem !

Naser Karamustafić - SDP

1. Ko je ili ko su stručne osobe , koliko su analiza uzeli , jesu li sa svih drveća i molimo da nam se dostave te stručne analize na slijedeće vijeće ?
2. Ko je odgovoran za pojavu pacova i miševa u užem gradskom jezgru ? Da li Općina ima službu za dezinfekciju, dezinsekciju i deratizaciju (DDD) ?
3. Zašto nisu postavljeni „ ležeći policajci“ trakasti kod vatrogasnog doma za Osnovnu školu „Gornji Vakuf“ ? Tražimo od Policijske stanice Gornji Vakuf-Uskoplje da u školskoj godini u vremenu od 7³⁰ – 8¹⁵ postavi policijski službenik radi sigurnosti prelaska učenika?

Ana Novaković -Hrvatska lista

1. Što je urađeno po pitanju otklanjanja građevinskog i drugog otpada na izvoru Kruščice?

VIJEĆNIČKA PITANJA 2017.GODINE

Red. Br.	VIJĆENIK	Ukupan broj postavlj. vj. pitanja	Dobio odgovor na vj. Pitanje		Zadovoljan odgovorom			Nije dobio odgovor na vj. pitanje
			Pism. / usm.		Da	djel.	ne	
1.	Idrizović Dževad	1	1	0	1	0	0	0
2.	Ramić Adnan	0	0	0	0	0	0	0
3.	Manjgo Ramiz	3	3	0	1	0	2	0
4.	Pokvić Amra	0	0	0	0	0	0	0
5.	Petrović Haris	0	0	0	0	0	0	0
6.	Čaušević Merhila	0	0	0	0	0	0	0
7.	Gafić Maid	0	0	0	0	0	0	0
8.	Hadžiahmetović D.	2	2	0	2	0	0	0
9.	Spahić–Demirović A.	1	1	0	1	0	0	0
10.	Pidro Muris	4	4	0	3	0	0	1
11.	Josip Herceg/HL	8	6	0	6	0	0	2
12.	Ana Novaković	1	1	0	1	0	0	0
13.	Goran Batinić	0	0	0	0	0	0	0
14.	Marinko Krajina	2	2	0	2	0	0	0
15.	Marin Novaković	1	1	0	1	0	0	0
16.	Ivo Posavac	2	2	0	2	0	0	0
17.	Berislav Elez	1	1	0	0	0	1	0
18.	Ivica Žuljević	0	0	0	0	0	0	0
19.	Danijela Jurina	0	0	0	0	0	0	0
20.	Karamustafić Naser	15	15	0	10	0	5	0
21.	Kičin Kadir	15	10	0	4	0	6	5
22.	Puljarga Sabahudin	8	6	2	7	0	1	0
23.	Dedić Šeherzada	14	14	0	6	0	8	0

Predsjednik
Općinskog vijeća
Goran Batinić, mag.nov.